





In festivitatem Nuptialem  
LECTISSIMORUM SPONSORUM,  
VIRI  
HONESTI ET INTEGERRIMI  
DN.

IOHANNIS MU-  
TII IUNIORIS OFFICIALIS

apud Lindovienses districtus Illu-

stris Anhaltini,

S P O N S I:

Et

Virginis Honestissimæ

CATHARINÆ,

Reverendi, Clar: & doctis: viri DN.

ABRAHAMI CREMERI,

Ecclesiæ Lindoviensis apud Anhalti-

nos Pastoris meritissimi,

FILIAE,

SPONSÆ:

VOTA AMICORUM

*pie concepta.*

SERVESTÆ

Typis Zachariæ Dörfferi,

M. DC. XXI.

JOHANNES  
THEOLOGUS  
VON  
MÜNSTER  
IN  
MÜNSTER  
1688





Εὐφρασίαι

καὶ

Εὐφροσύνην

Novis Sponsis apprecatur

MARTINUS FÜSSELIVS D.

Serenissimo Electori Brandenburgico  
à Sacris.

*Ex Psalmo 115. v. 11. 12.*

Vos qui timetis Jehovam, confidite in Jehovah. Nam  
is auxilium & scutum horum est. Jehovah re-  
cordatur nostri. Itaq; benedicet nobis. Bene-  
dicet domui Israelis: benedicet domui Aaronis.



*Ulla salus bello. Bellis sunt omnia ple-  
na: (salus?*

*Annè tuis tædis, Sponse, parata*

*Et Tu, chare parens, incerto Marte periclis*

*Exponis Natam? tam tibi vilis erat?*

*Suasferit haud mundi sapientia tale. Sed uni*

*Calorum Regi fidere, certa salus.*

*Dan. 4. v. 38. Hujus ab arbitrio dependet machina mundi:*

*Dirigit is totum quicquid hic orbis agit.*

*A 2*

*Et*

- Pl. 46. v. 3. *Et licet incedat sævo Bellona triumpho:  
Terreat & magnos cumq; tremore viros:  
Momentum tamen ira Dei est, displodere tela  
Arma virosq; truces perdere, cura Dei est.*
- Rom. 15. v. 4. *Exemplis dives divina est pagina multis:  
Scilicet ut firmet pectora nostra fides:  
Ergo quid mirer factum? divine Sacerdos,  
Et Tu Sponse, Deiniteris arbitrio.  
Fidere cœlorum Regi, eum maxima virtus:  
Fidenti an non sit certa parata salus?*
- Pl. 145. v. 9. 13. *Certa parata salus cunctis, qui fidere Jovæ  
Norunt. Et Vobis certa parata salus:  
Posthabitis quoniam tantis sævisq; periclis,  
Est animus soli fidere cuncta Deo. (cui:  
Is scutum fuerit, quidquid fremat orbis & or-  
Auxiliū fuerit, quidquid & arma fremant.  
Nostri namq; memor tam sancto ex fœdere,  
Diris permittet succubuisse suos. (nunquā  
Ipse recordatur, benè qui sibi fidere norunt:  
Hosq; eius semper fors benedicta juvat.  
Tu domus Ifacidū testis, domus atq; Aaronis:  
Et benedicta Dei, semper & usq; domus:  
Tantum cœlorum Regi confidite, Sponsi:  
Fidentes nescit deseruisse Deus.*

ABRA-

ABRAHAMO CREMERO,  
Seniori.

Gratulor imâ mente, Te Jehovâh pronubo, & annu-  
ente Illustrissimo Magistratu, charissimam Fili-  
am tuam Catharinam, Dn. Johanni Mutio, offi-  
ciali in Lindau, desponsasse, Sponsisq; felicissima  
quæquè ominor: immò

**O**ro, ex arce Sionis  
Hos ditet Domini manus  
Larga: ut conspiciant bonis  
Florentem Solymam, simul  
Donec vita manebit  
Prolis adspiciant suæ  
Longâ stirpe propaginem;

Johannes Weidnerus artis Me-  
dicæ Doctor, Reipüb. Grü-  
nebergensis, in Silesia,  
Physicus.

A 3

Ad

Ad Reverendum & Doctissimum  
Virum,

Dn. ABRAHAMUM CREMERUM,  
Pastorem Lindaviensem, Dn. Collegam & Amicum  
colendum, filiam natu Maximam, tempore  
luctus publici, & caritatis annonæ,  
elocantem,

**E**ffe quid hoc dicam, lacrymoso tempore, gnatam  
Quod Mutio nuptum das, Abrahame, tuam?  
Scilicet, ut facias testatum, sorte in utrâq;  
Gaudendum & standum spesq; fideq; Deo.  
Et Generum & Gnatam doceas confidere eidem,  
Atq; sua huic uni dedere seq; Deo.  
Felices animas, quibus hæc sunt gaudia cordi:  
Quæ nec fors neq; mors surripuisse potest.  
Apprecor hæc vervúle Qois gaudia, pectore ab imo:  
**CHRISTE**, dabis votis pondus inesse meis.

M. Johan: Theopoldus,  
Superintendens  
Serv:



ALIUD.

**C**onnubione super nati natæq; recenti  
Judicium rogitas, docte Cramere, meum?  
Laudo bonum factum! fragilem premit undique  
Supremumq; vehit curvâ senecta diem (mundû  
Festinat CHRISTUS numerum complere fidelis,  
Sanguine cui cœli regna parata, gregis:  
Hinc castis urit juvenilia pectora flammis,  
Ut seræ curam posteritatis agant.  
Hujus opus quæ flamma tuas intravit in ædes,  
Et juvenem natæ junxit amore parem.  
Pastoris Natus natam Pastoris ad aras  
Et thalami jura relligiosa vocat:  
Connubio, thalami qui sanxit jura, Jehovam  
Quis neget hoc CHRISTI crescere velle gregem?  
Ergo bonum factum, me judice! Plaudite Sponsi:  
En tibi judicium, docte Cramere, meum.

*M. Marcus Fridericus  
Wendelinus, Gymnasii  
Seyvestani Rector.*

ALLU-



ALLUSIO

ad

NOMEN SPONSÆ CATHA-

RINÆ.

**C**asta Deus mens est: Castos præcepit amores:  
Et Castus Castâ mente coli voluit.  
Larga simul Castis promittens præmia, sedes  
Eternas, ipsis cœlica regna dedit.  
Omniaq; his, præsens quæ vitæ postulat usus,  
Subsidia omnipotens jussit adesse piis.  
Felices ergo casto qui pectore Castum,  
In cunctis, Dominum hunc nocte dieq; colunt!  
Felices & Vos, Sponsi, pia corda, jugalis  
Casta quibus thalami fœdera inire placet!  
Sic vos caelesti semper curabit ab aulâ  
Jova, Pater miserum, spes, via, vita, salus.  
Aures sic precibus faciles præbebit: amarâ  
Sub cruce divinum conferet auxilium.  
Nec dabit ut Satanas, Sponsorum acerrimus hostis,  
Vestrum perturbet fraude, doloq; thorum.

Sed

*Sed bene-defunctis coelestem conferet aulam:  
Æternâq; frui prosperitate dabit.*

Paucula hæc Affinibus sua-  
visissimis, adornabat

M. Joach. Mencilius: Electo-  
ris Brand. Ecclesiastes.



SALUTEM ET OBSER-  
vantiam.

**C** *Remere, Urfinum* quid quaeso ludis amicum  
Ut interesse nuptiis velit vestris,  
Ducens cōsortem, & pignora sancta thori?  
Scilicet hoc erat, ut, geminâ trieteride lapsâ  
Sed absq; prole, claudicet mihi Scazon,  
Conanti vestris dicere læta sacris.  
Hinc epos ut meditor, Elegi admiscentur, & ille  
Uterisq; ineptus jungitur simul Scazon.  
*Nempè ita cum dextris sepè sinistra cadunt!*  
Atq; adeò mirum est, tam cara & bellula dona,  
Futura fulcra, & sublicam suæ gentis  
Sæpè Mathematicis esse negata viris!

GA

B

(Aug

(Aut certè pura & pura ephemera germina pro-  
Stolonum adinstar occidentia, ut nata, (munt,  
Rarò venturis commoda temporibus.)

At quantò Aaronis fœcundior ordo perenne  
Turget ab irriguis caelestis è rore fluentis:  
Nec mundo immundo se tantum continet, Ipse  
Sed cœlo Indigetes producit, & ordine longo  
Suspicit, & laudat, & adorat adoream avorum;  
Despicit, oxoratq; Deum ter mille nepotes.  
Hujus Te vivum exemplar, Cremere, saluto,  
Quem tenuis hac senium sexus utriusq; Parentem  
Natorum (nî fallor) novimus: en series huic  
Quartus se admiscet fausto omine Filius, idem  
Mox Quintum, aut Quartum geniturus, Avumq;  
Facturus, solo Patris olim nomine letum. (Cremereum  
Macte Dei hoc tanto, & tam sancto munere, macte!  
Quiq; preces pro Te tam fortes fundis, Amicis  
Parte etiam succurre aliquâ, succedeq; votis.  
Sesamaq; & violas inter det vivere Sponsos  
Fova Deus, videatq; oculis sacra vestra secundis.

In Valle Joachimi;

inter occupationes

bono affectu deproperabam

M. Benjamin Urfinus, Ma-  
thematicus Electoralis.

AD

AD Dn.SPONSUM.

**I**Nterrogati, quæ Viro ducenda sit  
Uxor, torus futurus ut prosperrimè  
Succedat, unâ voce cordati oreq;  
Suadent, parem Viro eligendam Conjugem.  
Tu *Sponse*, certe, si quis unquam, me nisi  
Opinio sefellerit mea, eligis  
Parem tibi Natalibus Sponsam, Fide,  
Ætate, curâ, Moribus parem eligis.  
Pastore Natus Patre ducis Filiam  
Pastoris: ipse maximus natu-tui  
Inter parentis filios, & maximam  
Natu è tribus sororibus Sponsam legis.  
Quam tu foves, & ipsâ Sponsa liberè  
Fatetur ore, corde sincero fidem  
Amplectitur, tuetur: hac sese unicè  
Credidit viam veræ salutis pergere.  
Ætate florens integerq; viribus  
Ætate florentem integramq; viribus  
Ducis puellam non-maritus virginem,  
Formæ decoram laude ducis virginem.

Dum tu foras commissa curæ publicæ  
Obis tuæ laboriosus munia,  
Obit suæ commissa curæ gnaviter  
Domini fidelis Sponsa, tractat sedulo.

De Moribus res certa. Quam pulchrè tuis  
Mores puellæ moribus respondeant,  
Quis rectius te noverit, qui candidos  
In candido mores probasti pectore?

Si forsan impar esse quid, si cedere  
Non ex tuâ videbitur sententiâ,  
Quid tum? parû hinc periculi. Sponsa omnia  
Mox cauta nutus applicabit ad tuos.

Quis ergo non quater beatum prædicet  
Te, *Sponse*, quis vestro toro prosperrima  
Non ominetur quæq;? Quis non omnia  
Cessura Vobis credat ex sententiâ?

Cum legeris Sponsam tibi Natalibus  
Parem puellam, cum fide parem tibi  
Ætate Curâ Moribus cum legeris.  
Cum non-maritus virginem selegeris.

M. Petrus à Jena  
Scholæ Servestanæ  
Rector.

Ad



Ad

Dn. JOHANNEM MUTIUM,  
amicum veterem,

SPONSUM.

**C**ontemptò potuit sibi Mutius urere dextram  
Igne, suiq; tulit nominis inde decus.  
Quod facinus? longis ussit vel pectora flammis  
Mutius hic noster, nomen & inde feret?  
Nempe! suum vix muta ferunt monumenta Quiritem,  
Balbutire velint hunc quoq; viri brevi.  
Istius en quantò tua flammâ celebrior! ò quin  
Sic hodie fieri Mutius ipse precer!

Extemporaneo stilo poeta-  
batur

Joachimus Flemingus,  
Scholæ Dessanæ  
Rector.

B 3

Paro-

Parodia ad Hor; lib. 3. Odar. 26.

*Ad Sponsum.*

**V**Ixti *Puella* nuper amabilis,  
Dum militasti suaviolis bonis:  
Te fungier tandem virili  
Officio Juvenem virentem  
Levum pudicæ jam Veneris latus  
Docebit. Hic hinc tollite, tollite  
Circense tormentum, citato  
Sternite Leuconium meatu.  
O qui beatum, *Sancte*, tenes polum &  
Terram scatentem multiplici bono  
*Jehova*, felici flabello  
Tange *virum* noviter cubantem.

De proper: affectus ergo

Zacharias Haring. Reichen-  
bachiô-Silesius: SS. LL. Stu-  
diosus.

F I N I S.









ll 1926

ULB Halle

001 556 118

3




Stk. 6 = Handschrift

sb.

Paul Friedrich  
Buchbindermeister  
Merseburg a. S.

1017






B.I.G.

Farbkarte #13

Blue Cyan Green Yellow Red Magenta White 3/Color Black



66

Nuptialem  
I SPONSORUM,  
I  
NTEGERRIMI

NIS MU-  
OFFICIALIS

s districtus Illu-  
altini,  
N S I:

nestissima  
RINÆ,  
doctis: viri DN.  
CREMERI,

nsis apud Anhalti-  
meritissimi,  
I AE,  
ISÆ:  
MICORUM  
cepta.

ESTÆ  
ria Dörfferi,  
.XXI.

